

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 429890 22 St
Tuzla, 26.01.2023. godine

OPĆINSKI SUD U TUZLI, sudija Ilvana Delić razmatrajući prijedlog likvidatora dužnika **„FARMACOP“ doo Čelić, za proizvodnju, trgovinu i usluge, ul. Vražići bb, sa podružnicom „Farmacop“ doo Čelić, za proizvodnju, trgovinu i usluge, Koraj bb, Lopare,** van ročišta donio je dana 26.01.2023. godine sljedeće:

R J E Š E N J E

JAVNO SE POZIVAJU predlagač, povjerioci i sva zainteresovana lica da u roku od 30 (trideset) dana od dana objavljivanja rješenja u Službenim novinama F BiH predlože otvaranje stečajnog postupka i na žiro-račun Suda, broj: 132-100-03091233-91 NLB banka dd Sarajevo, predujme iznos od 60.000,00 KM (šezdesethiljadakonvertibilnihmaraka), na ime obezbjeđenja troškova stečajnog postupka, te da dokaz o izvršenoj uplati dostave sudu pozivom na broj predmeta.

Ukoliko stečajni dužnik kao predlagač ili neko od zainteresovanih lica ne uplati navedeni iznos predujma u ostavljenom roku uz dostavu dokaza o uplati sudu pozivom na broj predmeta, sud će o prijedlogu za otvaranje stečajnog postupka odlučiti u skladu sa odredbama Zakona o stečaju.

Rješenje će biti objavljeno u Službenim novinama F BiH, web stranci suda i oglasnoj ploči suda.

O b r a z l o ž e n j e

Sud je dana 11.11.2022. godine pokrenuo prethodni postupak radi utvrđivanja uslova za otvaranje stečajnog postupka nad imovinom privrednog društva **„FARMACOP“ doo Čelić, za proizvodnju, trgovinu i usluge, ul. Vražići bb, sa podružnicom „Farmacop“ doo Čelić, za proizvodnju, trgovinu i usluge, Koraj bb, Lopare,** a za privremenog stečajnog upravnika imenovao je Maju Musemić iz Tuzle. Dana 14.12.2022. godine privremeni stečajni upravnik je dostavio izvještaj o provedenom prethodnom postupku.

Iz izvještaja privremenog stečajnog upravnika proizilazi da je društvo ne obavlja poslovnu djelatnost od 10.12.2021. godine kada su blokirani računi društva. Na dan pokretanja stečajnog postupka društvo nije imalo prijavljenih radnika, a od 04.04.2022. godine raniji direktor se prijavljuje na osnovu menadžerskog ugovora koji važi i danas. Društvo nema imovine. Shodno knjigovodstvenoj evidenciji društvo ima obaveze koje se odnose na obaveze po kratkoročnim kreditima u ukupnom iznosu od 315.003,28 KM i dug prema dobavljačima u zemlji od 87.062,00 KM.

Prema izvještaju stečajnog upravnika stečajni dužnik vodi više sudskih sporova u različitim fazama i to protiv Uprave za indirektno oporezivanje BiH, vsp; 62.862,00 KM, protiv Direkcije za robne rezerve KS vsp; 65.431,00 KM, protiv Mushrooms trade doo Laktaši VSP; 8.027,24 KM i protiv PZ Vip Krajina Gradiška vsp; 23.206,15 KM. Pored navedenih parničnih postupaka stečajni dužnik pokrenuo je i četiri izvršenja u ukupnom iznosu cca 20.000,00 KM.

Stečajni dužnik a što proizilazi iz izvještaja i mišljenja privremenog stečajnog upravnika podnio je prijedlog za otvaranje stečajnog postupka u roku od 60 dana od dana nastupanja platežne nesposobnosti.

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao dužnika, povjerioci i sva zainteresovana lica da izvrši uplatu troškova finansiranja stečajnog postupka u visini od 60.000,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava, vođenje parničnih i izvršnih postupaka i drugo), obzirom da prema prijavi privremenog stečajnog upravnika društvo ne posjeduje imovinu. Naime, imajući u vidu da će se po eventualnom otvaranju stečajnog postupka tražiti nastavak parničnih postupaka i izvršnih postupaka, to je potrebno obezbijediti dovoljna sredstva za vođenje istih jer eventualna naplata utuženih potraživanja predstavlja imovinu stečajnog dužnika odnosno stečajnu masu. prema izvještaju stečajnog upravnika inicijalni akti aktivnih postupaka su iz perioda od 2018. do konca 2022. godine. Imajući u vidu navedeno stečajni upravnik je uz izvještaj o provedenom prethodnom postupku dostavio rekapitulaciju troškova potrebnih za vođenje stečajnog postupka za period od 24 mjeseca. U vezi sa navedenim sud je odredio predujam kao u izreci.

Ukoliko predlagač, povjerioci ili neko od zainteresovanih lica u ostavljenom roku ne predlože otvaranje stečajnog postupka i izvrše uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102.stav 8. Zakona o stečaju.

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina F BiH, zasniva se na odredbi člana 103. stav 8. Zakona o stečaju.

SUDIJA
Ilvana Delić

POUKA O PRAVNOM LIJEKU: Protiv ovog rješenja nije dozvoljena žalba.